

傳信尤易方
五

傳信尤易方卷之五

諸淋門

治小便淋澀用滑石與石膏同搗為末以水調服二

錢亦治石淋發煩悶效

治小便不利莖中疼痛小腹急痛用蒲黃滑石各等

分為末酒服方寸匕日三服大驗

治小便澀少赤色澀痛用冬麻子一升水一升研瀝

取汁和米三合煮粥入葱椒姜豆豉空心服○又

方用紫草一兩搗羅為散食前以井花水調下二

錢聖惠方

易州醫官鄭廷臣校閱
澤陽醫士王琦校正

治下焦真氣虛弱小便頻多日夜無度用白茯苓去
皮鹿角霜各等分爲末酒煮糊丸桐子大每服三

十九空心鹽湯下

惠養集

治心腎俱虛神志不守小便淋瀝不禁赤茯苓白茯
苓各等分爲細末以新汲水浸洗澄去新沫控乾
復研爲末另取地黄汁與好酒同於銀石器內熬
成膏搜和丸如彈子大每服一九細嚼空心以鹽
酒送下

安老方

食治老人淋病小便不通利秘澁少痛取榆白皮一
兩切用水二升煮取一升半汁白麪二兩右搜麪

作之於榆汁中拌煮下五味葱椒待熟空心食之

三五服能利水道

養老書

食治老人淋病小便下血身軀熱盛用車前子五合
綿裹水煮取汁青梁米四合淘淨右煮煎汁空心
食之

證類本草

食治老人五淋久不止身壯熱小便滿悶用小麥一
升通草二兩以水煮取三升去滓徐徐食之須臾
當瘥千金翼

食治老人五淋秘澁小便禁痛膈悶不利用蒲萄汁
一升白蜜三合藕汁一升相和微火煎溫三沸即

止空心服五合食後服五合常服之殊效千金翼

治小腸五淋用石決明去皮甲搗細末如有軟硬物

淋卽添木通細末熟水調下七服

治五淋利小便導小腹熱用通草剉以水煎服本草集要

治五淋用赤芍藥一兩檳榔一箇麪裹煨爲末每服

一錢水一盞煎七分空心服千金方○又方用地

膚子或莖葉五兩水四升煎取二升半溫分三服

○又方用石燕子七箇搗如黍米大桑白皮三兩

剉如豆粒大勻作七服每服水一盞半煎半盞去

滓溫服日三服瘥○又方用榆白皮陰乾爲末每

日早晚以水五合末三錢調如膏服亦治虛煩

治石淋酥炙鷺甲爲末酒服七日二服石子下瘥

奇效

單方

○又方用車前子二升以袋盛水八升煮三升

服之須臾石下○又方取燕子糞研末以冷水服

之五錢以早間服至飯時後淋石化水下○又方

用螻蛄七箇鹽二兩用新瓦上鋪蓋焙乾研末每

服溫酒調一錢服之即愈○又方用桃膠如棗大

夏以冷水三合冬以湯三合和爲一服日三服當

下石盡方止○又方便中有石子者取胡桃肉二

升細米煮稀粥一升相和頓服即瘥

圖經本草

治石淋澁者用黑豆一百二十粒粉草二寸剉水煎
乘熱入滑石末一錢空心服

治沙石淋澁者用牛膝一握水五盞煎一盞去滓入
麝香乳香少許研細調服○又方取萱草根搗取
汁服○又方用琥珀二錢研末空心葱白煎湯調
服極效乾坤生意

治熱淋用瞿麥三錢甘草三錢水一盞煎七分空心
溫服○又方用赤小豆三合慢火炒熟爲末煨葱
一莖細切溫酒調二錢七服○又方用乾地黃木
通甘草等分剉細每服三錢水一盞竹葉少許煎

六分不拘時溫服

治小便熱澁痛用黃芩四兩剉袋貯之水五升煮三升分三服

治心經蘊熱小水赤澁淋痛木通黃芩各一兩生地黃二兩爲末煉蜜丸桐子大每服五十丸木通煎

湯下

已上惠菴集

治熱結淋閼作痛尿血用山梔子瞿麥甘草炙各三錢呿咀作一服水二鍾生姜三片葱三根燈草五

莖煎至一鍾食前服

醫方選要

治下焦熱結小便淋閉作痛有時尿血用甘草炙三

錢瞿麥穗一錢梔子仁炒半錢水一盞姜三片葱

三根燈草三十莖煎服

治一切淋瀝服藥未效用生鐵多年舊刀一口以盆

盛水用沙石磨水汁澄清每服半盞不拘時服○

又方磨剪汁水飲之亦效 千金方

治膏淋用海金沙滑石各一兩甘草二錢半為細末

每服一二錢麥門冬煎湯空心調服燈心湯亦可

治淋用滑石六錢甘草一錢為末每服二錢小茴香

煎湯調服 衛生簡易方 ○又方用牛尾燒灰水調服半

錢 醫林集要 ○又方取生續斷不拘多少搗絞汁每服

空心半盞即馬蘇根外臺秘要

治氣淋以水三升煮舩底苔如鴨子大取二升頓服
千金方

治諸淋用硝石一兩細研如勞淋勞倦虛損則發用
葵花末煎湯調二錢服氣淋木通煎湯調服血淋
熱淋以井花水調服小便不通小麥煎湯調服諸
淋併冷水調空心服石淋研藥末入鈔子內隔紙
炒至紙焦再研細溫水調服○又方以大蘿蔔切
作一指厚片用好蜜淹片時安鏃上慢火焙乾又
蘸又焙蜜盡三兩反覆令香熟不可焦食前細嚼

鹽湯下

治遺尿小便澁赤用白朮防已各二錢咬咀水一鍾煎七分空心溫服孫真人方

治無故遺血亂髮及爪甲燒灰酒服方寸匕

治血淋以水三升煮葵子一升取汁日三服亦治虛勞尿血皆效千金方

治血淋熱淋取酸漿草搗汁入蜜同服

治血淋燒亂髮灰一錢麝香少許爲末空心醋湯作一服○又方用白梅三兩燒灰存性爲末入麝香少許酒糊丸桐子大每服五十九空心白湯下藏道

經方

○又方淋下血取麻根十莖水五升煮取二升

一服血止神驗亦治五淋

肘後方

治熱淋血淋用赤小豆熟雋末每二錢煨葱一根搗爛溫酒調服○又方用白薇赤芍藥等分爲末每二錢溫酒調下丹溪心法

治小便利血當歸四兩細剉酒三升煮取一升頓服

葛洪得效方

○又方用研龍骨末溫水調服方寸匕日

二服瘥

博濟方

治大小便利血燒亂髮灰爲末飲下方寸匕

治尿血取車前草搗絞汁五合空腹服外臺秘要

治淋血用柿餅一箇批開擦青黛二錢燒存性空心
好酒下○又方用黃柏知母山梔子滑石各等分
入竹葉十片水煎空心服○又方用桃仁承氣湯
空心服效○又方用芒硝三錢空心溫酒下

涇陽
醫士

王玘
方

治小便尿血不定用鬱金一兩搗末葱白一握相合
以水一盞煎至三合溫服日三服

經驗方

疝氣門

治陰疝用白頭翁草根者不限多少搗之隨腫處傅一宿當生瘡二十日愈

外臺秘要

治陰疝牽引小腹痛厥症即陰疝喜慾勞痛不可忍者用蒺藜麩炒去尖附子炮去皮劑梔子仁等分為末每服三錢水煎服

衛生寶鑑方

治寒疝小腹及陰中相引痛汗出欲死以丹參一兩杵為散每服熱酒調下二錢七佳

治寒疝心腹引痛以大烏頭五枚去皮劑以白蜜一斤煎令透潤取出焙乾搗羅細末又以熟蜜汁九

如桐子大鹽湯下二十九 崔氏方

治水疝偏大上下不定疼痛用牡蠣不限多少鹽泥固濟炭三斤煨令火盡冷取二兩乾姜三兩炮爲末以冷水調稀稠得所塗患處小便大利即愈 世虞

南方

治疝氣偏有大小時時上下者取蜘蛛十四枚炒焦桂半兩二物爲散每服八分日一七再蜜丸亦通治疝氣上衝如有物築塞心臟欲死手足冷者用硫黃入杓以火溶化即投水中出火毒研細荔枝核炒黃爲末陳皮末各等分共末飲九桐子大每服

十四丸酒下其疼立止自覺疼甚不能久持略用
六丸不可多也 萬氏家抄

治疝氣用延胡索鹽炒全蝎各五錢爲末每服半錢

空心鹽酒調服

醫林集要

○又方用天仙藤剉好酒一

碗煎半碗服之神效

安老懷幼方

治諸疝小腹及陰中招引痛如絞自汗出欲死者用
沙參搗末以酒服方寸匕立瘥

治諸疝發時用海石香附爲末生姜汁調下一二錢

七日二服亦治心痛

攝生衆妙方

治小腸疝氣小便難者每用雞子一枚敲破取黃以

溫水調服不過三枚則瘥○又方用連樹木咀碎

爲細末臨餐時酒送下○又方用核桃每一枚火

內燒灰研細熱酒調下良奇效○又方用曾經煨金

銀乾鍋子槌碎研令極細每服二錢熱酒調下

治小腸氣用黃荊子一碗入鍋內炒熟將酒一盞入

內一滾取起乘熱服之即時見效○又方用玄參

咀咀炒爲末每服一錢或錢半空心酒下汗出有

效張真人方○又方用天台烏藥一兩升麻八錢咀

咀水二鍾煎一鍾露一宿空心熱服

治小腸氣臍腹痛陰股中急痠茴香鹽炒枳殼各一